

Exsecrat et refugit sceleratos bestia tactus:
 Hos probat et sequitur homo plus quam bestia factus.
 Res ratione carens, legi rationis obedit,

10 Res rationalis procul a ratione recedit.

Omne quidem vicium Deus, hoc specialiter odit,
 Quod bene si dubites Sodome destructio prodit.
 Nam scelus ulciscens super illam sulphur et ignis
 Compluit, exciis¹ periit gens pessima dignis.

15 Hoc vicium quicumque tenent, aut nunc² resipiscant,
 Aut se dampnandos flammis et sulphure discant.

Dann verschiedene andere Stücke:

Omnia depereunt, fugitivaque labitur etas,
 Et non est hominis, vite transcurrere metas.
 Ergo si moritur, qui³ nascitur ad moriendum,
 Quam natura vehit non est de morte dolendum.

§ Si probitas et nobilitas, et forma decora
 Proficerent, ut protegerent nos mortis ab hora,
 Inter eos reputare meos annos ego possem,
 Quos vitam sine fine suam producere nossem.

5 Sed probitas nec nobilitas nec forma decora
 Proficiunt, nec excipiunt nos mortis ab hora.
 Defugiunt et deficient que grata videntur,
 Evanent, neque fixa manent, neque semper habentur.
 Mors reges inopumque greges pede conterit equo:

10 Cuncta rapit, cunctosque capit fera turbine ceco.
 Nos ideo servire Deo prompte studeamus,
 Ut per eum nos ethereum regnum capiamus.
 Ipse suis vitam famulis dat fine carentem,
 Hiis etiam dat leticiam non deficientem.

§ Recte revera meretrix est dicta chimera:
 Parte leo prima, medio caper, anguis ad yma.
 Non se tractari, non se pacietur amari,
 Si careat donis; ideo pars prima leonis
 Non te delectet, medio caper est, quia fetet,
 Anguis ad extremum, quia devorat omnia demum.

§ Vermis, humus, cineresque sumus, quid homo nisi
 [fumus?

Vita brevis, nec culpa levis, que durat in evis.

Dann die Spottverse auf den Ligurer 'Vulpe—pavens',
 wie bei Hauréau, Mél. p. 189, welcher sie mit Recht Hilde-
 bert abspricht, auch bei Ellis S. 191. Dann wieder Verse,
 welche Unterschriften zu Gemälden zu sein scheinen:

Res miranda nimis, si confers ultima primis:
 Filius ipse pater, eadem quoque filia mater.

1) 'exciciis' Hs.

2) 'non' Hs.

3) 'quis' Hs.